

ნათლისდების დღესასწაულისადმი მიძღვნილი
საგალოგლების სახე-სიმბოლოთა საღვთისმიზაფლო
ტყაროვები

მოკლე შინაარსი

პიმნოგრაფია ბიბლიურ სახისმეტყველებას ემყარება. სიმბოლოებით აზროვნებას საფუძველი წმიდა წერილში ეყრება. მაცხოვარი იგავებით ესაუბრება ერს. თავის ეპისტოლებში მოციქული პავლე ძევლადოქმისეულ მოვლენებს სიმბოლურად უკავშირებს ხოლმე ახალ აღოქმას. ცალკეულ სახე-სიმბოლოები მყარი ფორმებით დამკვირდა და მეორდება საგალობლიდან საგალობელში. აქვე აღვნიშნავთ, რომ ეს სახე-სიმბოლოები მხოლოდ პიმნოგრაფიულ ტექსტებში არ გვხვდება. მათ უცვად იყენებს სასულიერო მწერლობის თხზულებები, თუმცა, ბუნებრივია, რომ ყველაზე მეტი სიხშირითა და მრავალფეროვნებით ისინი სწორედ პიმნოგრაფიულ ტექსტებში გვხვდება. ეს ბუნებრივიცაა, რადგან პიმნოგრაფს შეუძლია ნებისმიერი პიპლიგმური თუ პარადიგმული მონაცემის გამოყენებით შეარჩიოს სიმბოლო-ალგებრია, მხატვრული ხერხი, ასოციაცია და სახეთა პარალელიზმი, რათა საკუთარი განწყობა, ემოცია მიიტანოს მსმენელამდე. თუმცა, ამ სიმბოლოების მიღმა უზარმაზარი ინფორმაცია, ერთგვარი ნარატივი იმაღლება, რომელიც საღვთისმეტყველო ცნობიერების მქონე მკოთხველსა და მსმენელს მოიხსენებს. ეს განსაკუთრებით ცხადად თვალსაჩინოვდება საუფლო დღესასწაულებისადმი მიძღვნილ საგალობლებში. შუამდგომელი ძევლისა და ახლისა რჯულისა, როგორც იოანე ნათლისმცემელს წმ. იოანე ოქროპირი უწოდებს, იუდეველებს სინანულისაკენ მოუწოდებდა და იორდანეში ნათლავდა. სწორედ ამით განამზადებდა ის უფლის გზას, რადგან მაცხოვარმა თავისი განკაცებით კაცობრიობას მისცა რჯული, დაფუძნებული სინანულსა და სიყვარულზე.

პიმნოგრაფები მრავალი სახე-სიმბოლოთი ამკობენ იოანე ნათლისმცემელს და სწორედ სახისმეტყველებითი გააზრებით წამოსწევენ წინა პლანზე ნათლისდების დღესასწაულის სულიერ მნიშვნელობას, რომლის წყარო საღვთისმეტყველო ლიტერატურაა. აქვე შევნიშნავთ, რომ ძალიან ხშირად პიმნოგრაფიული ტექსტი თვალით წყარო, განსაკუთრებით სიმბოლური თვალსაზრისით.

საკვანძო სიტყვები: ნათლისდების დღესასწაული, პიმნოგრაფიული ტექსტები, საღვთისმეტყველო წყაროები.

THEOLOGICAL SOURCES OF IMAGES-SYMBOLS OF HYMNS DEDICATED TO EPIPHANY CELEBRATION

Abstract

Hymnography is based on biblical parables. Reasoning with symbols is based on scriptures. The Savior speaks with the parables to the nation. In his epistles, Apostle Paul symbolically links the ancient events of the Old Testament to the New Testament. Separate images-symbols have been established in solid forms and are repeated from one hymn to another. It is noteworthy that these images-symbols are found not only in the hymnographic texts, but they are largely used in theological writings. Nevertheless, it is natural that they are encountered in the hymnographic texts more frequently and diversely. This is natural because a hymnographer can choose any symbol-allegory, artistic method, association and parallelism of images by means of using any hypodigmatic or paradigmatic data to reflect his mood and emotions. However, vast information - a kind of narrative hides beyond the aforementioned symbols and requires the reader and the listener with the theological consciousness. This is especially evident in the hymns devoted to the Lord's celebrations.

The mediator of the Old and New Testaments, as St. John Chrysostom called John the Baptist, appealed to the Jews for repentance and baptized in the Jordan. That was how he would prepare the way of Lord, because the Savior, by means of his incarnation, provided the mankind with the faith based on repentance and love.

The hymnographers adorn John the Baptist with numerous images-symbols and thus, by means of reasoning with images-symbols, bring the spiritual significance of Epiphany to the forefront, the source of which is theological literature. At this point, it is worth noting that very often a hymnographic text itself is the source, especially in symbolic terms.

Key Words: Epiphany Celebration, hymnographic texts, theological sources.

მიზანი. სტატიის მიზანია ნათლისდების დღესასწაულისადმი მიძღვნილი საგალობლების სახე-სიმბოლოთა საღვთისმეტყველო წყაროების გამოვლენა და საგალობელთა ტექსტების საღვთისმეტყველო და სახისმეტყველებითი არსის გამოვლენა.

ମେତ୍ରଦ୍ୱ. ଫାରମନ୍ଡୋଗ୍ବେନ୍ଦ୍ର ନାଶରମଥୀ ପିଯୁଗେବ୍ରତ ବିଶ୍ୱାସରୀଜ୍ୟାଳ-
ଶ୍ଵରାର୍ଥବିତ୍ତି, ଅନାଲୋଗ୍ରାଫି, ରେମିନିସ୍କ୍ରିପ୍ଟିଭି, ଅରମନ୍ଦେବ୍ରତିକ୍ରିଯାର୍ଥି,

ლი კვლევის მეოდებს, რათა უკეთ გამოვლინდეს საგალო-ბელთა საღვთისმეტყველო, სახისმეტყველებითი, მხატვრულ-გამომსახველობითი რაობა.

შესაგალი: ნათლისდებისადმი მიძღვნილი პიმნოგრაფიული ტექსტების უმრავლესობა ლიტურგიკული დანიშნულებისაა და ბუნებრივია, მათში აქცენტირებულია ამ უდიდესი საუფლო დღესასწაულის სულიერი მნიშვნელობა. თუმცა, განსხვავებით, სხვა დღესასწაულებისგან, პიმნოგრაფიკი ერთდროულად განა-დიდებენ როგორც დღესასწაულს, ისე იოანე ნათლისმცემელს. მაცხოვრის წინამორბედს წარმოაჩენენ იორდანეში აღსრულე-ბული საიდუმლოს – ქრისტეს ნათლობის – სიდიადის ფონზე, რაც ორმაგ დატვირთვას სქენს საგალობელში მოხმობილ თითოეულ სახე-სიმბოლოს. ყოველ მათგანს საღვთისმეტყველო წყარო გააჩნია, რომლის მეშვეობითაც აიხსნება მათი შინაარ-სიც და ტროპული მნიშვნელობაც.

სწორედ ამ კუთხით გვსურს წარმოვადგინოთ ნათლისდები-სადმი მიძღვნილი საგალობლებისა და იოანე ნათლისმცემლის რამდენიმე სახე-სიმბოლო და მათი მიმართება საღვთისმეტყვე-ლო წყაროებთან.

მსჯელობა: უფალი განკაცდა, რათა თაგს იდგას კაცთა მოდგმის ცოდვები. მესიის მოვლინებას არა მარტო იოანე მახა-რებელი ხარობდა, არამედ – ბუნებაც. საოცარი შთამბეჭდაობით აღწერს იოანე მტბევარი მაცხოვრის იორდანედ მოსვლას: „ნა-თელი ჰეშმარიტი, ქრისტე ღმერთი, დაუსაბამო სიტყუად მა-მისად, მას ჟამსა მთანი და ბორცუნი იმდერდეს, იხარებდა იოვა-ნე და ძრწოლით დადადებდა: ესე არს კრავი ღმრთისად აღმხუ-მელი ცოდვათა სოფლისათ“ (მოდრეკილი, 1978: 140). მაცხოვ-რის ნათლისდებას დავით მეფესალმუნე წინასწარმეტყველებდა, ამიტომაც საგალობლებში ებრაელთა მეფის სახეც გვხვდება: „წინაისწარვე მოგუასწავა დავით წინასწარმეტყუელმან მოსლვად მცხნელისად იორდანისა წყალთა, იტყოდა რა... მთანი იხარებდით წინაშე პირისა უფლისა“ (მოდრეკილი, 1978: 179). ეს ფსალმუნური მოტივია, რომელიც ხშირად გვხვდება პიმნოგრა-ფიაში და რომელიც განსაკუთრებულ ლირიზმს ქმნის: „მთანი იმდერდეს ვითარცა ვერძნი და ბორცუნი ვითარცა კრავნი ცხოვართანი“ (ფს. 113, 4); „იხარებდინ ცანი და გალობლით ქუეყანად, აღიძარნ ზღვად და სავსება მისი. იხარებდინ ველნი და ყოველნი რად არს მათ შინა, მაშინ იხარებდენ ყოველნი ხენი მაღნარისანი“ (ფს. 95, 11-12).

შუამდგომელი ძველისა და ახლისა რჯულისა, როგორც იოანე ნათლისმცემელს წმ. იოანე ოქროპირი უწოდებს, იუდეველებს სინანულისაკენ მოუწოდებდა და იორდანეში ნათლავდა. სწორედ ამით განამზადებდა ის უფლის გზას, რაღაც მაცხოვარმა თავისი განკაცებით კაცობრიობას მისცა რჯული, დაფუქნებული სინანულსა და სიყვარულზე. წმ. იოანე ოქროპირის განმარტებით, ნათლისმცემელი მოვიდა, „რათა წინა რბილის და განმზადებდეს სულთა მათ, რომელთა ეგულებოდა შეწყნარებად უფალი“ (იოანე ოქროპირი, 1996: 167).

უამრავია ის ეპითეგი, რომლითაც წინამორბედს შეამკობენ ჰიმნოგრაფები – „დასასრული შჯულისად და დასაბამი მადლისად იოვანე წინამორბედი უდაბნოს აღმოსცენდა და გპქადაგა სინანული ცხოვრებისათ“ (მოდრეკილი, 1978: 206). აქ იგულისხმება მოსეს რჯულის დასასრული. როგორც აღვნიშნეთ, იოანე ნათლისმცემელი ძველი აღთქმის ბოლო და ახალი აღთქმის პირველი წინასწარმეტყველია. ფაქტობრივად, იქადაგა რა მესის მოსვლა და ნათელ-სცა მაცხოვარს, მან, ფაქტობრივად, დაასრულა ძველი რჯული (მესის მოლოდინი) და განცხადდა ახლის დასაწყისი – უფლის აღთქმის განხორციელებული.

საგალობლებში იოანე ახალი დღის, ცისკრის მახარებლადაა წოდებული: „გამოაბრწყინვე ცისკარი დღისად უდაბნოსა ქადაგი“ (თუენი, 2004: 170). ის, რომ იოანე უდაბნოში იზრდებოდა, სახარებიდანაა ცნობილი: „ხოლო ყრმა იგი აღორძნებოდა და განმტკიცდებოდა სულითა. და იყო უდაბნოს, ვიდრე გამოცხადებადმდე მისა ისრაცლისა მიმართ“ (ლკ. 1, 80), ამიტომ იწოდება იგი საგალობლებში უდაბნოს ქადაგად. სახისმეტყველებითი თვალსაზრისით ჩვენთვის საყურადღებოა მისი ცისკართან შედარება. ცისკარი ხომ ის ქამია, როდესაც დამე, ბნელი განგვეშორება და ნათელი მოღის, ანუ, ახალი დღე იწყება. ამ საგალობლებში კვლავ გვხვდება სიმბოლიზება ძველი რჯულის დასასრულისა და ცისკრის სახით ახალი რჯულის დასაწყისისა, რომლის მაუწყებელიც უდაბნოს ქადაგია.

საგულისხმოა, ასევე, იოანეს შედარება სანთელთან, რომლის წყაროც სახარებაა: „იგი იყო სანთელი აღნთებული და საჩინოა“ (ინ. 5, 35). მას ხშირად „ნათლის სანთელს“ უწოდებენ ჰიმნოგრაფები. ნათელი ქრისტეა, სანთელი კი იმისთვისაა საჭირო, რომ ამ უდიდესი ნათლის მისაღებად მომზადდეს კაცობრიობა, ჯერ სანთლით უჩდა განათდეს მათი სულები და

ქრისტესკენ საგალი მათი გზები, რაც სწორედ იოანე ნათლის-მცემელმა აღასრულა.

სანოელოან ერთად მნათობს ადარებს იოანეს ჰიმნოგრაფი ავტორი: „გმაღ სიტყვასა ღმრთისად, სანოელი ნათლისად, მთიები მზისად უდაბნოს უდადადებდა მოსრულთა მისსა“ (თუენი, 2004: 170). იოანე ნათლისმცემლის ეს მეტაფორები ჰომილეტიკაშიც უხვად გამოიყენებოდა: „ვითარცა მთიები ცისკრისად, გამოჩნდა წმიდად წინამორბედი იოვანე“ (იოანე ოქროპირი, 1999: 261). წმ. იოანე ოქროპირი მეტაფორებს ასე განმარტავს: „სანოელი იგი მზესა ეტყვეს; გმაღ იგი – სიტყვასა, მეგობარი – სიძესა, უმეტესი ნაშობთა შორის დედათასა – პირმშოსა მას ყოველთა დაბადებულთა“ (იოანე ოქროპირი, 1996: 165).

შინაარსობრივადაც და სიმბოლურადაც ნათლის სანოელის ანალოგიური მეტაფორაა „მზის სანოელი“, რომელსაც იოანე ნათლისმცემელს უწოდებს XIII საუკუნის ქართველი ჰიმნოგრაფი ტბელ აბუსერიძე თავის საგალობელში „გალობანი სამთა იოვანეთა“, სადაც განდიდებული ჰყავს წმ. იოანე ნათლის-მცემელი, წმ. იოანე მახარებელი და წმ. იოანე ოქროპირი. ამავე საგალობელში იყენებს ამავე დატვირთვის მეტაფორასაც - „სიტყვის გმას“: „აღმოსავალით მაღლითავთ აღმოსრულისა მის მზისა სანოელსა ელგად საღმრთოსა ნათლისა ვქადაგებთ“; „იოვანეს, გმასა სიტყვასა, სულად...“ (სულავა, 2003: 306-308). ტროპული თვალსაზრისით, ნათლის სანოელის მსგავსად, მეტყველი მეტაფორაა „მზის სანოელი“ - მზე უფალია/მაცხოვარია, სანოელი კი – იოანე ნათლისმცემელი. მზეს არ სჭირდება სანოელი, მაგრამ კაცობრიობას სჭირდება იოანე (სანოელი), რათა მან ის უფლის (მზის) შესახვედრად მოამზადოს.

როგორც ჩანს, სანოელი, მთიები, გმაღ სიტყვასა – იოანე ნათლისმცემლის მყარად დამკვიდრებული მეტაფორებია სასულიერო მწერლობაში, როგორც ჰიმნოგრაფიაში, ასევე ეგზეგეტიკასა და ჰომილეტიკაში. ამგვარ განმარტებას გვთავაზობს წმ. სოფრონ იერუსალიმელი თავის თხზულებაში „ნათლის-დებისათვს მაცხოვრისა და ზედა აღდგომისათვს სარკინოზა“: „სანოელი მზესა უხრახებს, გმაღ სიტყვასა მიმართ იტყვს, თიხად მეკაცესა მიუგებს, მონად მეუფტესა ეტყვეს განკპრვებული, რაისა იქმ ამას, შ მეუფეო, გიცი შენ ვინად ხარ და ვინად მოსრულ, მუცლით გამო თაყუანის-გეც შენ, ჯერეთ საშოსა შინა მყოფმან აღვიარე ძალი შენი“ (სოფრონ იერუსალიმელი: A-394, 297გ). იოანე ნათლისმცემელი ქრისტეს ხმაა, რადგან ის სინანულს

ქადაგებდა, რომელზედაც დაეფუძნა შემდეგ ქრისტიანული მოძღვრება.

იოანე მტბევარი ნათლისმცემელს ახალ ელიად მოიხსენებს – იორდანე „კმისა მისგან ახლისა ელიას და შიშით ზარგანჭდილი დგას მდუმრიად“ (მოდრეკილი, 1978: 137), რისი წყაროც, ასევე, სახარებაა. ფერისცვალების დროს მოწაფეთა შეკითხვაზე, „ელია აწვე მოვიდა და არა იცნეს იგი, არამედ უყვეს მას, რაოდენი უნდა. და ეგრეთვე ძესაცა კაცისასა ეგულების ვნებად მათგან. მაშინ გულისმა-ყვეს მოწაფეთა, რა-მეთუ იოვანე ნათლისმცემლისთვის პრქუა მათ“ (მთ. 17, 10, 12-13).

ჰიმნოგრაფი იოანე ნათლისმცემელს იმ ვარსკვლავს ადარებს, რომელმაც მოგვებს მეუფის დაბადება აუწყა და მისკენ მიმავალი გზა გაუნაოთ. აქ ორმაგი სახისმეტყველებითი გააზრებაა. ბეთლემის გზის მანათობელი ვარსკვლავის დარად იოანეც გზას უნაოებდა ერს, როდესაც იორდანეში სინანულის ნათლისდებისათვის მოუწოდებდა, ამავე დროს, მოგვები წარმართები იყვნენ, იოანემ ნათლისდებითა და სინანულად მოწოდებით წარმართებსაც გაუნაოთ ქრისტესკენ მიმავალი გზა. „მე ნათელ-გცემ წყლითა, იგი ნათელ-გცემს სულითა წმიდითა და ცეცხლითა“ (მოდრეკილი, 1978: 184) და „უცყრიეს მას ნიჩაბი და სიბრძნით განარჩევს, უნაყოფოთა დასწუავს და ნაყოფიერთა მიქმადლებს ცხოვრებასა საუკუნესა“ (მოდრეკილი, 1978: 135) – ამ შემთხვევაში არა თუ ეპიზოდი, ფრაზეოლოგიაც სახარებისეულია: „მე უკუე ნათელ-გცემ თქუებ წყლითა სინანულად; ხოლო რომელი შემდგომად ჩემსა მოვალს, უძლიერეს ჩემსა არს, რომლისა ვერ შემდგებდელ ვარ ჭამლთა მისთა ტკრთვად. მან ნათელ-გცეს თქუენ სულითა წმიდითა და ცეცხლითა. რომლისა ნიჩაბი ჭელთა მისთა, განწმინდოს კალოდ თვისი და შეკრიბოს იფქლი საუნჯესა, ხოლო ბზე დაწუას ცეცხლითა მით უშრეტითა“ (მთ. 3, 11-12). წმ. იოანე ოქროპირის განმარტებით, „ნათლისმცემელმა სულიწმიდის სსენებით ერს ცოდვათა მოტევება, სასუფევლის მკვიდრობა, უხრწნელება და სულიწმიდის მონიჭება აუწყა“ (იოანე ოქროპირი, 1996: 185), ხოლო ცეცხლის სსენებით მათ ძველი რჯულის გამოცხადებები გაახსენა, რადგანაც წინასწარმეტყველთ უფალი უმეტესად ცეცხლის სახით ეცხადებოდა ხოლმე – მოსეს მაკვლოვანი სინას მთაზე, ეზეკიელს – ქერუბიმებით; ხოლო ნიჩბისა და კეთილისა და ბოროტის გარჩევის შეხსენებით აფრთხილებს, რომ მხოლოდ

ნათლისდება არაა საკმარისი, არამედ – შემდგომ უფლის მცნებათა ადსრულება: „შემდგომად ნათლისდებისა ნიჩაბსა მას გპჩვენებს, განმრჩეველსა კეთილისა და ბოროტისასა, და დაწუვასა ბზისა გუასწავებს, რათა მოშიშ ვიყვნეთ და არა ვემსგავსეთ ბზესა, არამედ იფქლსა“ (იოანე ოქროპირი, 1996: 185).

სახისმეტყველებითი აზროვნების თვალსაზრისით საინტერესოა იოანე ნათლისმცემლის გაზაფხულის მახარობელ მერცხალთან შედარება და მის პარალელურად ზამთრისა და სასტიკ ქართა სიმბოლოები: „ვითარცა მერცხალი წმიდად ქადაგი ზაფხულისად მყოფთა ზამთარსა შინა ცოდვათასა გამოუჩნდი, იოვანე, ღირსი მიახლებულთა დანოქმად ქართა სასტიკთა კულტიბისაგან“ (თუენი, 2004: 37). ზამთარი ცოდვის მეუფებათა პერიოდია, ხოლო ზაფხული – ცოდვათა განქარვებისა. „აპა, ესერა, ზამთარი წარწდა და წჷმა დასცხერა და წარვიდა გზასა თუსსა. და ყუავილი გამოჩნდა ქუეყანასა ჩუენსა“ (ქება ქებათა, 2, 11). ზამთარს ალეგორიული მნიშვნელობით თვით მაცხოვარი იყენებს, როცა მოგვიწოდებს: „ილოცვედით, რათა არ იყოს სივლტოლად თქუენი ზამთარსა შინა“ (მთ. 24; 20). როგორც ნეტარი თეოფილაქტე ბულგარელი განმარტავს, „ჩვენ უნდა ვილოცოთ, რომ ამ ცხოვრებიდან ჩვენი წასვლა ანუ ადსასრული არ მოხდეს... „ზამთარში“, ანუ სიკეთისათვის უნაყოფო ქამს“ (თეოფილაქტე ბულგარელი, 2000: 283). სულიერი თვალსაზრისით მართლაც რომ უნაყოფო იყო მაცხოვრის განკაცებამდელი ქამი, რადგან დახმული იყო სასუფეველი ადამიანისათვის. იოანე ნათლისმცემელი კი აღმოჩნდა პირველი ქადაგი მოახლოებული სასუფევლის შესახებ. ამიტომაც ადარებს მას პიმნოგრაფი მერცხალს, რამეთუ ზამთრის, ანუ, ცოდვათა მეუფების ქამის განქარვების ისეთივე პირველი მაუწყებელი იყო იოანე, როგორც ზამთრის წასვლის პირველი მახარობელი ბუნებაში მერცხალია.

ზამთრისა და ზაფხულის შედარებით წმ. იპოლიტე რომაელი ზამთრის სულიერ არსს განიხილავს, როგორც მადლისა და სინანულისაგან განძარცველ პერიოდს: „მადლი გამოჩნდა, ჭეშმარიტება სუვერეს, სინანული არა არს მას სოფელსა. ზაფხული მოგვეახლა, ზამთარი განგუეშორა“ (იპოლიტე რომაელი, 1979: 310).

ზამთარს სულიერი მდელვარების პერიოდად, ხოლო სხლვას ცოდვათა შენდობად სახელდებს ორიგენეც „ქება ქებათას“ განმარტებისას: „დვთის სიტყვას სურს გვამცნოს, რომ ზამთრის,

სულის ქარტეხილთა, შემდეგ, მოსავლის ადგინის დრო ახლოვდება და ამბობს: „ლელუმან გამოუტევა გაგა თვისი, ვენახნი ჰყვავიან, მოსცეს სულნელებად თვისი... მოიღე ნაყოფები და ადრინდელი უნაყოფო რტოები მოგეშორება“ (ორიგენე, 1989: 22). ამავე მნიშვნელობით განიხილავს ზამთარს წმ. გრიგოლ ნოსელი, რომელიც საოცარი პოეტური პასაუითა და ხატოვნებით წარმოაჩენს ზამთრის ფიზიკურ თვისებებს და ავლებს პარალელს ადამიანის სულიერ განწყობასთან: „და ჭკნება ზამთარში ყოველი მწვანე – ხეთა სილამაზე, ბუნების მიერ შეფერადებული ფოთლები დაცვივა და მიწას შეერევა; შეწყდება ფრინველთა ტკბილი ჭიკჭიკი, ბულბული გაფრინდება, მერცხალი დამუნჯდება, ბუდეს დატოვებს გრიტი, და ყოველივე სიკვდილის სევდას ემორჩილება – კვდება მორჩი, ქრება სიმწვანე, ფოთლებისაგან განძარცვული ტოტები ხორცანძარცვულ ძვლებს დამგვანებია და საშინელი სანახავია; რა ვთქვათ ზღვათა უბედობაზე? როგორია ის ზამთარში, როდესაც სიღრმიდან ოხრავს და ბორცვებსა და მთებს ემგვანება მისი ტალღები; როდესაც ის, როგორც მეომარი, განუწყვეტელი დარტყმებით მიემართება ნაპირისაკენ. მაგრამ შენ გადატანითი მნიშვნელობით წარმოიდგინე ზამთარი თავისი უარყოფითობებით. აი, ასე ჰყვაოდა ადამიანი სასუფეველში, ნეტარებდა უსასრულო ზაფხულით, მაგრამ „ურჩმა ზამთარმა დააჭკნო ფესვები“, ყვავილი მოკვდა და ადამიანმაც დაკარგა ზაფხულის „მარადიული უკვდავება“ (ნოსელი, 1989: 357-358).

ზამთარს ცოდვის მეტაფორად ვხვდებით გიორგი მთაწმინდელის პარაკლიტონშიც. ორი ტროპარიდან ერთი დვთისმშობელს მიემართება, მეორე კი – მაცხოვარს: „[თოვ]ლი ბრალთად განადნევე, დედოფალო, და ზამთარი მძიმე უღმრთოებისად დაჭვსენ, პშევ-რაღ-ზაფხული და არე ცხორებისად ქრისტე დამბადებელი, ყოვლად უკრწნელო სახორ ყოველთა ქრისტინეთაო“ (A-93, 49v); „არე ლმრთივშუენიერი ჭორცთა ჩემთა და ცხორებასა მოეფინა და ცოდვისა იგი მჭმუნვარე ზამთარი დაჭვსნა, იშვა რად ქალწულისაგან მაღალი აღსასრულსა ქამთასა წყალობით“ (A-93, 33r).

მაცხოვრის აღდგომის შედეგად სიკვდილის აჩრდილისაგან გათავისუფლებულ ადამიანებზე გადმოვიდა მაღლი საკურნებელად მათდა, როგორც მე-5 გალობაში (ესაია წინასწარმეტყველის) გეითხულობთ: „რამეთუ ცუარი შენ მიერ საკურნებელ არს

მათდაც“. მადლმოსილი ცვარის სიმბოლოს იოანე ნათლისმცემლისადმი საგალობელშიც ვხვდებით: „აცურიე სულთა ჩუქნთა ცუარი მადლისა შენისაა დღეს, ქრისტეს წინამორბედო“ (მოდრეკილი, 1978: 157).

როგორც აღვნიშნეთ, ამ დღესასწაულს დვოის განცხადება ეწოდება იმიტომ, რომ ქრისტეს ნათლისძების ჟამს იქ შეკრებილი ერის წინაშე განცხადდა ყოვლადწმიდა სამების ერთარსებობა: „და ნათელ-იღო იესუ და მექსულად აღმოვიდა რად წყლისა მისგან, და აპა, განეხუნეს მას ცანი, და იხილა სული ღმრთისად, გარდამომავალი, ვითარცა ტრედი, მოვიდა და დაადგრა მას ზედა. და გმავ იყო ზეციო და ოქუა: ესე არს ძე ჩემი საყუარელი, რომელი მე სათხო-ვიყავ“ (მთ. 3; 16-17). კირილე იერუსალიმელი განცხადებას „ქება ქებათას“ სიძის სახეს უკავშირებს: „ვითარცა-იგი იგავად პირველ თქუმულ არს ამისთვის, რომელ ქრისტემან თუალითა ხილულად ესრულ გამოაჩინა, რამეთუ ქებათასა შინა სიძისა მისთვის დადადებს და იტყას: „თუალნი შენნი, ვითარცა ტრედისანი ზედა სავსებასა წყალთასა“ (კირილე იერუსალიმელი, 1991: 325). წმ. იოანე ოქროპირი ამ ეპიზოდს ასე განმარტავს: „აღმოვიდა წყლისაგან, რამეთუ თანა აღმოჰყანდა ყოველივე ბუნებად კაცთამ დანოქმული ცოდვითა და იხილნა ცანი განხემულნი, რომელნი დაუკშნა ადამ თავსა თვესა და შკლთა თვესთა და ვითარცა-იგი მახულითა მით ცეცხლისათთა სამოთხე, და სული წმიდამ ეწამებოდა ღმრთელებასა მას ძისასა, რამეთუ მსგავსისა მის ზედა მოვიდოდა და გმავ იყო ზეციო, რამეთუ ზეციოთაცა გარდამოწდა ცხორებად კაცთა, ნათელდებული იგი იოვანესგან“ (იოანე ოქროპირი, 1996: 196). იოანე ნათლისმცემლის ნათლისძებას არ შეეძლო სულიწმიდის მონიჭება, ეს მხოლოდ ქრისტესმიერი ნათლისძებითაა შესაძლებელი – „ცანი განეხუნეს და სული წმიდა გარდამოწდა, რამეთუ არა ნათლისმცემელისა მის სიწმიდე, არამედ ნათელდებულისა მის ძალი იქმოდა ამას, რაოთა ძუელსა მისგან შემიყვანებს ჩუქნ ახლად მოქალაქობად“ (იოანე ოქროპირი, 1996: 196). სწორედ ადამიანის გონებისათვის მიუწვდომელი ამ ხილვის შესახებ აღნიშნავს იოანე მტბეგვარი: „დღეს კუალად განცხადნა სამებისა ერთარსებად წმიდასა ზედა იორდანესა, მამავ ზეციო წამებდა ძისა საყუარელისათვს, და სული წმიდად იხილვა სახედ ტრედისა გარდამოსრული“ (მოდრეკილი, 1978: 140).

ნათლისდების საგალობლებში განსაკუთრებით თვალსაჩინოა პიმნოგრაფთა მიერ სამების ერთარსობისა და განუყოფლობის, თითოეული ჰიპოსტასის თანასწორობის აქცენტირება, რასაც ხშირად ვხვდებით იოანე მტბევართან: „გარდამოგდა ზეციო სული წმიდაი ვითარცა ტრედი იორდანესა და გმად მამისა წამებდა ზეგარდამო ძედ საყუარელად და განეცხადა დღეს სამებად წმიდაი მორწმუნეთა ერსა თვთებითა თჯსითა“ (მოდრეკილი, 1978: 142) და მიქაელ მოდრეკილთან: „იწამე მამისა მიერ ძედ საყუარელად ქრისტებდა სული წმიდაი შენ ზედა მსგავსებითა მით ტრედისათა გარდამოხდა, რომლისა მიერ განცხადნა ერთარსებად სამებისად“ (მოდრეკილი, 1978: 144). მიქაელ მოდრეკილი ყოვლადწმიდა სამების წარმოჩენისას ქრისტეს ორბუნებოვნებასაც ხაზგასმით აღნიშნავს: „დღეს განცხადნა ნათლისდებითა იორდანისა წყალთა ერთი ძევ მხოლოდ ორითა ბუნებითა სრულითა“ (მოდრეკილი, 1978: 143).

ყოვლადწმიდა სამების ერთარსებობის საიდუმლოს ჩვეული პოეტურობით წარმოაჩენს გიორგი ათონელი თავის „გალობანი დამისთევად ნათლისდებისაში“, რომელიც აკროსტიქულია და თავნი იტევიან: „დღეს იორდანეს ქრისტეს ნათლისდებასა ყოველი სოფელი განათლდა, სამებისა წმიდისა თაყუანისცემად განცხადნა, იხარებენ ერთბამად ანგელოზნი და კაცნი“: „სამება სამ თჯებით, დაუსაბამოო დმერთი, არსებით სწორი გამოგუცხადნა დღეს წყალთა ზედა იორდანისათა“ (გიორგი ათონელი, 1946: 352) და ფსალმუნთმგალობელს ეხმანება: „იხარებდენ დღეს ზღუანი და მდინარენი, სამყარონი და მნათობნი კაცთა თანა, ცა და ქუეყანა ზეცისა ძალთა თანა ერთობით ჭმობენ – განცხადნა ქრისტე დმერთი მცსნელად სოფლისად იორდანისა წყალთა“ (გიორგი ათონელი, 1946: 353). წარმოდგენილ საგალობლებში აისახა საღვთოსმეტყველო მოძღვრება სამების განუყოფლობისა და ქრისტეს ორბუნებოვნობის შესახებ, რაც კიდევ ერთხელ გვიდასტურებს პიმნოგრაფთა დრმა თეოლოგიურ ცოდნასა და ცნობიერებას.

წმ. იოანე ოქროპირი თავის ეგზეგეტიკურ ნაშრომში ფსალმუნისეული სიტყვებით მკაცრად ამხელს ერეტიკოსებს: „აღონილნეთ თუაღნი უგუნურნო და უგულისკმონო, გულისკმაყავთ, ვითარმედ არა არს განყოფილებად შორის მამისა და ძისა და სულისა წმიდისა, არცა ერთი, თვინიერ გუამოგნებისა და თჯოებისა, არა არს ერთიცა წმიდისა სამებისაგანი უდარეს, ანუ

დაბადებული, ანუ უკუანათსკნელ შემოსრულ, ვითარმცა პირ-გელ არა იყო და უკუანათსკნელ იქმნა, არამედ ერთ არს დიდებად მამისა და ძისა და სულისა წმიდისათ, ერთი ბუნება, ერთი ძალი, ერთი სიმტკიცე“ (იოანე ოქროპირი, 1996: 200). ერთგან საგალობელ შიცაა აღნიშნული – დადუმდეს მწვალებელთა ენა, რადგან განცხადდა უფალიო.

დამოწმებული ტროპარები საგალობლებიდან კიდევ ერთხელ ადასტურებს იმას, რომ ჰიმნოგრაფიული ტექსტის შექმნა ავტორისგან მრავალმხრივ შემოქმედებით ნიჭს მოითხოვდა და, ფაქტობრივად, მასში აისახებოდა საკლესიო მწერლობის თითქმის ყოველი უანრი.

იორდანეში მაცხოვრის ნათლისდებისას განცხადებას ახალ ხილვას უწოდებს წმ. გიორგი ათონელი: „აცურიეთ ზეცით საღმრთო ცეკვართა რებათა, იორდანისა დელვანი აღივსენით, ხილვა ახალი იხილე ქუეყანაო“ (გიორგი ათონელი. 1946: 353). ავტორი აღიტერაციით არა მხოლოდ ევფონიას ქმნის საგალობელში, არამედ მსმენელსაც ამ მოვლენის თანაზიარს ხდის, ზედროულობის განცდით მსმენელი თითქოს თავად ხედავს ამ ახალ ხილვას, ხილულს, მაგრამ გონებით ვერმიწვდომილს. ზოგადად, ბერითი ალიტერაციები უხვად გგხვდება საგალობელებში და არა მხოლოდ ევფონიის მიზნით, მათი მეშვეობით იმავდროულად მთავარი სათქმელის აქცენტირებაც ხდება. „კლასიკური ჰიმნოგრაფიის ალიტერაცია არ არის თვითმიზანი. საგალობლის მხოლოდ მუსიკალურ ენას კი არ აძლიერებს, არამედ ხელს უწყობს მთავარ თემაზე ყურადღების შეჩერებას და ემოციის გაძლიერებას. ამდენად ალიტერაციულ თქმაში მთავარია დომინანტურ თანხმოვანთა მუსიკალური მახვილის გაძლიერებით, მთლიანად ფრაზის თუ სტროფის აზრის მნიშვნელობის წინ წამოწევა“ (იმედაშვილი, 1958: 180). დამოწმებულ საგალობელში აქცენტირებულია ახალი ზეციური ხილვა – როგორც სამების განცხადება, ასევე, თავად განკაცებული უფლის მოსვლა ნათლისდებისთვის, რის შედეგადაც კაცთა დაძველებული ბუნება განახლდა.

უფალი აღრეც ცხადდებოდა წყლებზე – გამოეცხადა ქმრაელ ერს მეწამულ ზღვასთან და გაიყვანა ხმელეთზე; როცა აღთქმის კიდობანი იორდანეზე გადაჯონდათ, მისი ნებით „უკუნ-იქცა“ მდინარე. ეგზეგმზიკოსი მამების განმარტებით, მეწამული ზღვის გადალახვა და იორდანეს უკუქცევა აღთქმის

კიდობნის გადატანისას წინასახელებია მაცხოვრის ნათლის-დებისა, რომლიდანაც ნათელი მოეფინა მოელს კაცობრიობას.

ნათლისდებით ძველი რჯულის განახლებაზე მიუთითებს წმ. სოფრონ იქრუსალიმელი: „ძუშლი დასაბამითნი წარკდებიან და ყოველნივე ახალ იქმნებიან. ახალ განკაცებულისა დმრთისა მაღლისა ძუშლთა ზედა გამობრწყინვებითა, რომელმან ძალითა საღმრთოთა ქმნა განახლებად მათის რამეთუ ამისთვის მოსეანი შჯული დაძუშლებულ არს და ქრისტე აღმობრწყინვებულ ჩუქნდა, რომელი განახლებს ადამის მიერსა დაძუშლებულებასა და ყოველსავე ახალ ჰყოფს და მიპადლებს ახალ დაბადებულებას სიბრძნითა და ძალითა საღმრთოთა“ (სოფრონ იქრუსალიმელი: A-394, 297v).

იოანე მტბევარი მაცხოვრის იორდანეში ჩასვლისას დვთაებრივი ცეცხლის წყალთან შეზავებაზე მიუთითებს. ცეცხლის მეტაფორა ხშირად გვხვდება საგალობლებში, ნათლისდების საგალობლებში კი მის ფიზიკურ თვისებებზეცაა აქცენტირება – მაცხოვარი თავისი ნათლისდებით ისე წვავს ბოროტს, როგორც ცეცხლი – თივას. თივა საგალობლებში ადამიანის სიმბოლოა, უმეტესად – თავად იოანე ნათლისმცემლისა, რომელიც ევედრება უფალს, „ნუ დამწუავ მე, რომელი-ესე თივად წოდებულ ვარ წერილთა შინა“ (თუენი, 2004: 35). ადამიანის თივად სახელდებას ესაია წინასწარმეტყველთან ვხვდებით: „ყოველი ჭორცი, ვითარცა თივა“ (ეს. 40, 6), რომელსაც მოციქულებიც ეხმიანებიან (შდრ. 1 პეტრე 1, 24; იაკ. 1, 10).

ბუქებრივია, საგალობლებში იგულისხმება დვთაებრივი ცეცხლი, რომელიც ფიზიკურ, ნივთიერ ცეცხლზე აღმატებულია და სწორედ ამ დვთაებრივი ცეცხლის თვისებას მიემართება ერთი პარადიგმა, საქმაოდ გავრცელებული ნათლისდების საგალობლებში – მაცხოვარმა იორდანეში ჩასვლითა და ნათლისდებით ბოროტი დაორგუნა, ანუ, შემუსრა ვეშაპი, მოაშთო წყალში დამალული გველი – როგორც ეს პოეტურ მეტყველებაშია გამოხატული. ვეშაპის შემუსვრა ფსალმუნიდან მომდინარე სიმბოლიკაა – „შენ განამტკიცე ძალითა შენითა ზღუა, შენ შემუსრე თავები ვეშაპთა წყალთა შინა“ (ფს. 73, 13-14). უგალობენ მაცხოვარს, მოხვედი, „რაითა შემუსრო თავი ვეშაპისად მის“ (მოდრეკილი 1978: 131). მაცხოვარი განაცხადებს განკაცების მიზანს – ადასრულოს დანაპირები და ბოროტის დათრგუნვით ბოროტის ტყველბაში მყოფი განათავისუფლოს – „დამალული წყალთა შინა მბრძოლი მთავარი ბნელისად

სრულიად დაგამტკუა და მომწყდარნი მის მიერ განვაცხოველნე“.
ბნელის მთავარს ბოროტ ძალას უწოდებენ, რადგან მან სიკვ-
დილი მოუტანა ადამიანს და ნათლის წილ ბნელი მისცა, რასაც
დასასრული დაედო, როდესაც ქვეყნად მოვიდა ნათელი ნათლი-
საგანი – ქრისტე და თავისი საღმრთო ნათლით დაწვა ბოროტი
ძალა.

ნათლით მოსილი მაცხოვარი მიდის იორდანესთან და
„ვეშაპთ შემუსვრით“ კვლავ უბრუნებს ადამიანს ნათლის სა-
მოსელს, რომელიც სწორედ ამ „ვეშაპისაგან“ განეძარცვა. „რო-
მელსა შეემოსა ნათელი, ვითარცა სამოსელი, ითხოვდა ნათ-
ლისდებასა“ – ფსალმუნური მოტივი საგალობლებშიც აისახა.

როგორც ვხედავთ, ნათლისდების ალუზიად საქმაოდ ხში-
რად გვხვდება უფლის მიერ ვეშაპის შემუსვრა. თამამად
შეიძლება ითქას, რომ ვეშაპის პარადიგმა ერთ-ერთი ყველაზე
გავრცელებული სახეა ნათლისდების საგალობლებში, რომლის
წყაროც ფსალმუნია. საზოგადოდ, ბოროტის თვისების გამოსა-
ხატად ვეშაპისა და გველის შხამის მეტაფორა ხშირად გვხვ-
დება ძველ ადთქმაში: „გულისწყრომად ვეშაპთად იყო ლვინო
მათი და რისხვად ასპიტთად განუკურნებელი“ (II რჯ. 32, 33);
„გულისწყრომად მათი მხგავს არს გუელისა და ვითარცა ას-
პიტსა ყრუსა, რომელსა დაეყუნიან ყურნი მისნი“ (ფს. 57, 5) –
ცოდვილთა ბუნებაზეა საუბარი. პირველცოდვის მიზეზი და
ცოდვის საფუძვლის დამდები უფალმა იორდანეში შემუსრა.

საგალობლებში გამოკვეთილია ვეშაპთა თავის შემუსვრა:
„შემუსრა თავები ვეშაპისად და პირველი იგი ცოდვად ჩვენი
საბანელითა განწმინდნა და მიანიჭა მორწმუნეთა უსრწე-
ლებისა იგი სამოსელი“ (უძველესი... 1980: 39). ვეშაპის თავის
სიმბოლიკას განმარტავს წმ. გრიგოლ ხოსელი: „მომკლველმან
მან ვეშაპისამან, რაუმს განძვნდა მწეცი იგი და თუთოულსა
მას კაცთა ნათესავსა თანა აღორძნდა და განდიდნა, მაშინ
შემუსრა თავი მისი, ესე იგი არს, ბოროტთა მომპოვნებელი იგი
ძალი მისი, რომელსა-იგი მრავალნი აქუნდეს მის თანა უკეთუ-
რებისა თავნი“ (ნოსელი, 2006: 9). მაცხოვრის მიერ ბოროტის
შემუსგრის სიმბოლურ გააზრებას გვთავაზობს წმ. ბასილი
დიდი, რომელიც ვეშაპს სიმბოლურად აკავშირებს ფარაონთან,
უწოდებს რა მას „უჩინო ფარაოს“: „არს მწეცი, რომელსა სახ-
ელი პრქან იქნამონ, რომელი ითარგმანების ვიკტოლ. და
დიდად მტერ არს იგი და ოუ ჯეკმა სასტიკ ვეშაპი პოვის, ვი-
თარცა სახისმეტყულმან თქვა, მივიდის, შეიგოზის თავი თვხი

თიკითა და მიუკლის მარტოს და პბრძავნ ვეშაპსა მას და კუდითა ნიჩურთა იფარავნ. ეგრეცა მცხველმან ჩუქმან იქსუ ქრისტემან აღიღო მიწად ქუეყანით შობილი მკადრი. ესე თვით ჩანს პორცნი, რომელ შეიმოსნა მარიამისაგან ქალწულისა, რათა მოკლას ვეშაპი იგი უჩინოდ ფარაო, რომელი ზის მდინარესა ზედა ეგბპტისასა, რომელ არს ეშმაკი“ (ბასილი დიდი, 1979: 188).

ოორდანედან ამოსული მაცხოვარი ჰიმნოგრაფს ლომთან ჰყავს შედარებული, რომელმაც განგმირა ბოროტი – ვეშაპი: „ძლევით შეპმუსრე თავი ვეშაპისად და აღმოკხედ მიერ ვითარცა ლომი“ (მოდრეკილი, 1978: 135). იოანე მინჩხის საგალობლის ერთი ტროპული სახის – „ვითარცა ლომმან მიყრდნობით მიიძინა“ – განხილვისას ს. ცაიშვილი ლომის სახეს ქრისტეს ძლიერების სიმბოლოდ მიიჩნევს: „ლომი ქრისტეს ძლიერების სიმბოლოა, ხოლო მაცხოვრის გარდაცვალება დიადი მიძინების მხატვრული სახითაა გადმოცემული. და რაც მთავარია, ასეთი ტიპის მხატვრულ სახეებს ჩვენ უხად ვპოულობთ ქართველ ჰიმნოგრაფთა შემოქმედებაში“ (ცაიშვილი, 1979: 32).

ნათლისდებას სასუფევლის სარების დასაბამს უწოდებს წმ. იოანე ოქროპირი: „დასაბამი სახარებისად სასუფეველსა ცათა-საისა არს წმიდად ესე დღევანდებული დღესასწაული და აღთქუ-მა აქუს ცხორებისად საუკუნოსად მის მიერ, რომელიცა-იგი გამოგბწნდა კეთილი იგი სარწმუნოებად და გამოგბწრწყინდა „უკუდავებად“ (იოანე ოქროპირი, 1999: 14), რასაც საგალობლებ-შიც გხვდებით: „შენ, მაცხოვარ, მოხუედ იორდანედ განთავისუ-ფლებად დასაბამითგან დამონებულთა ცოდვითა“ (უძველესი... 1980: 55).

მაცხოვარმა იორდანეში ნათლისდებით განძარცვა ადამს ტყავის სამოსელი, რომელიც ადამიანმა ადამის დაცემის შედე-გად შეიმოსა, და მის წილ ნათლის სამოსლით შემოსა. ჰიმნოგრაფი ტყავის სამოსელს წყევისა და ხრწნილების სამო-სელსაც უწოდებენ, რაც ბიბლიიდან მომდინარეობს. შესაქმის წიგნში მითოთებულია, ადამ და ევამ როგორ იგემეს აკრძა-ლული ნაყოფი და ნათლის სამოსლისაგან განიძარცვნენ, შეიგრძნეს ფიზიკური სიშიშვლე. უფალმა ისინი სამოთხიდან გამოაძვა: „და უქმნა უფალმან ღმერთმან ადამს და ცოლსა მისსა სამოსელი ტყავისანი და შეპმოსნა მათ“ (შესაქმე, III, 21).

სამოსლის სიმბოლიკა ღრმა სახისმეტყველებითი ფუნქციი-საა, რაც საგალობლებში აისახა ალუზიურად. 6. სულავას

აზრით, „ტყავით, ანუ უსულო, მკვდარი ნივთით შემოსვა დრმა და ფარული აზრის მომცველია; ერთი მხრივ, ღმერთმა ადამსა და ეკას ნათლის სამოსლის ნაცვლად მკვდარი, უსულო ნივთითა თუ საგნით შემოსვით მიანიჭა მოკვდავობა, მისცა იმგვარი ფიზიკური სხეული, რომლის მხოლოდ ნათლით მოსილ სახეს ატარებდა ადრე; მეორე მხრივ, ისინი ტყავის სამოსლით სინანულის სასწავლებლად შემოსა; ნათლის სამოსლისაგან განდარცვულობით ჩადენილი პირველცოდვა, რომლისაგან განთავისუფლება მხოლოდ ნათლისლებით გახდა შესაძლებელი. ამიტომ ქრისტიანულ ლიტერატურაში სამოსელი ნათლისლების, ქრისტეშემოსილობის მნიშვნელობას იძენს“ (სულავა, 2004: 226). მართლაც, ნათლისლების საგალობლებში ერთმანეთთან დაპირისპირებულია ოპოზიციური წყვილები სამოსლისა – როდესაც საუბარია ტყავის სამოსლის განძარცვაზე, პარალელურად საუბარია ნათლის სამოსლით შემოსვაზე, ორივე ერთად კი აღიქმება, როგორც სულიერი განახლება ადამიანისა, რომლის დროსაც დვოისაგან ქმნილი არქეტიპი პირვანდელ წიაღს უბრუნდება.

VI საუკუნის მოღვაწე წმ. მამა ანდრია კრიტელი ტყავის სამოსელს ცოდვისა და ხრწილების სიმბოლოდ მიიჩნევს თავის „დიდ კანონში“, რომელიც დიდმარხების პირველი კვირის ორშაბათ-ხუთშაბათ სადამოს, სერობის ლოცვისას იგალობება და განსაკუთრებულია, როგორც საოცარი სინანულით ადსავსე საგალობელი: „განწბარე მე სამოსელი პირველი, რომელი პირველითგან მიქსოვა ღმერთმან, და ვძე მე შიშველი... შემიკერნა ტყავისა სამოსელნი ცოდვამან ჩემმან და დვოივქსოვილი სამოსელი განმდარცუა“ (კრიტელი, 2002: 34).

„სამოსელნი ტყავისანი“, როგორც სიმბოლო, ერთი მხრივ, გარესამყაროსთან ადამიანის სულიერი მდგომარეობის მიმართებას აჩვენებს, მეორე მხრივ, თვით გარესამყაროს სიღრმისეულ განცდას წარმოაჩენს. „ტყავის სამოსლისაგან“ განძარცვა აუცილებელია ადამიანის სულიერი განწმენდისათვის, სიხარულის მიღწევისათვის, განდმრთობისათვის“ (სულავა, 2004: 227). წმიდა მამათა განმარტებით, მათეს სახარებაში საქორწინე სამოსელი (მთ. 22, 11-13) ნათლის სამოსლის, პირველი სამოსლის სულიერი მნიშვნელობის მატარებელია.

როგორც ვნახეთ, ტყავის სამოსელი ცოდვის, ადამიანის ხრწნადი ბუნების სიმბოლოდაა მოხმობილი ჰიმნოგრაფიაში,

რომელსაც ცვლის ნათლის, ანუ უხრწენელების სამოსი. ეს ანგინომია იოანე მტბევარს ასე აქვს წარმოჩენილი: „პირველ შექმნულსა განსძარცვოს სამოსელი იგი ტყავისად და მორწმუნეთა შემოსოს მაღლი უხრწენელებისად“ (მოდრეკილი, 1978: 140). ნათლისდებამ ამ წევენის სამოსისაგან გამოვგიხსნა.

პირველ ადამიანებს აეხილათ ხორციელი თვალი, მაგრამ დაეხუჭათ სულიერი და ამით სიკვდილი შეიძინებს. სხეულებრივი თვალის ახელა, ორიგენეს გამონათქვამის მიხედვით, მოხდა მაშინ, როდესაც დაიხუჭა სული. როდესაც მაცხოვარმა ნათელიდო, განსძარცვა ადამს ხრწნილების სამოსელი და შემოსა „სამოსელი უხრწენელი, ნათელი შეუქმნელი“, როგორც ჰიმნოგრაფები უწოდებენ. „დღეს განშიშულდები იორდანეს შინა ადამის ბრალთა აჭოცად მოწყალებით, ნათელო და ცხორებაო ყოველთაო“ (გიორგი ათონელი, 1946: 352). ნათლისდებისას მაცხოვრის „განშიშულება“, ანუ, სამოსლისაგან განძარცვა, სიმბოლურად მოასწავებს ადამიანთა ცოდვებისაგან განძარცვას და უპირისპირდება ადამისა და ეგას ნათლის სამოსლისაგან განძარცვას, რაც მათ მიერ უფლის მცნების დარღვევას მოჰყვა: „ნათლად ამბობს წერილი, რომ უფალმა დასაბამიდან სამოთხის შუაში დანერგა ხე ცხოვბადისა და ხე ცხოვრებისა; ამით „ცოდნისმიერი“ „ცხოვრება“ ცხადყო მან, რაც არაწმიდად იგემეს პირველმშობლებმა. ამიტომაც გველისაგან ცდუნებულნი, განშიშულდნენ“ (ეპისტოლე... 1989: 76). სამოსლისაგან განშიშვლებულმა მაცხოვარმა კი იორდანეში ჩასვლით მოაშორ გველი.

ჰიმნოგრაფები უხრწენელ სამოსელს შეუქმნელ ნათელს უწოდებენ. გავიხსენოთ უძღები შვილის იგავი ლუკას სახარებიდან. როდესაც მამის სამკვიდრებლის გამნიავებელი უმცროსი შვილი კვლავ მამის წიაღს უბრუნდება, გახარებულ მამას გამოაქვს „სამოსელი პირველი“ და მოსავს მას: „გამოიღეთ სამოსელი პირველი და შეპმოსეთ მას“ (ლპ. 15, 22). ეგზეგეტიკოსები სამოსელ პირველს განმარტავენ, როგორც იმ ღვთიურ მადლს, რომლითაც შემოსილი იყვნენ უფლის წიაღში მყოფი პირველი ადამიანები და რომლითაც იმოსება ყოველი ადამიანი ნათლისდებისას.

„ქრისტიანი ადამიანი ეზიარება ღვთიურ ნათელს, იძენს სულიერ ნათელს – „ინათლება“. ფსევდო დიონისე არეოპაგელის აზრით, ნათლობის საიდუმლოებას ეს სახელი იმიტომ

ეწოდება, რომ იგი იძლევა „პირველსაწყის“ სინათლეს და წარმოადგენს საშუალებას დათავისურივი ნათლის შემოსვლისა ადამიანში“ (ქერქაძე, 1997: 68).

იმისათვის, რომ დაცემული კაცობრიობა კვლავ შემოსოს პირველი სამოსლით, გარეშემოუწერელი დმერთი წელით იმოსება. წელის მეშვეობით ხდება ადამიანის ცოდვებისაგან განწმენდა. ნოეს დროს წარდგნა მოავლინა და ცოდვით ასავსე კაცობრიობა, მართალი ნოესა და მისი შთამომავლობის გარდა, სრულიად აღხორცა. ახლაც წელში შთასვლით განსწმინდა პირველცოდვისაგან მის მიერ შექმნილი ადამიანი და სწორედ ამას უწოდებს იოანე მტბევარი მეორედ შობას: „დღეს წელთა ბუნებად მეორედ მშობელად კაცთა იქმნების“ (მოდრეკილი, 1978: 137). ნათლისდებას მეორედ შობას თავად მაცხოვარი უწოდებს, როდესაც ნიკოდიმოსს მის აუცილებლობაზე უთითებს: „ჯერ-არს თქუენდა მეორედ შობად“ (ინ. 3; 7).

სამთაგან მეორედ შობას უწოდებს ნათლისდებას წმ. გრიგოლ დათისმეტყველი: „სამნი შობანი უწყებულ არნ ჩუქნდა, ერთი იგი ჭორცითა და მეორე ნათლისდებისა და მესამე აღდგომისა. ამათგან ერთი იგი ბენელსა არს და მონა და ვნებული, ხოლო მეორე ნათლისა და აზნაური და დამჯსნელი ვნებათა, რომელი ყოველსავე შობითგანსა ბიწსა განსწმენდს და ცხორების მიმართ ზეცათასა წარგვადვის, ხოლო მესამე იგი უსაშინელესი არს“ (გრიგოლ დათისმეტყველი: A-394; 57r-v). ნათლისდებისას, პიმნოგრაფთა სიტყვებით, თვით წელმაც ორმაგი ბუნება მიიღო: „წელთა ბუნებად დღეს მრჩობლ ბუნება იქმნა, რამეთუ ცეცხლისაგან უსხეულოდასა ნაკურცხალი შეიწყნარა ბრალთა განწმედელი ნათლისდებითა“ (ოუენი, 2004: 166).

განწმენდილი წელი კი ადამიანთა სულის განსპეციალის საშუალებაა, რაც ნათლისდებას გულისხმობს: „განდევნე წყუდიადი იგი ნისლი ცოდვათა ჩუქნთა სიმრავლისაღსასიერ, რათა განსპეციანე სული ჩუქნი წელითა მით სიწმიდისაღთა“ (მოდრეკილი, 1978: 146). ნისლის მეტაფორას ორგვარი, ძირითადად, ანტონიმური, გააზრება აქვს დათისმეტყველებაში: 1. აღნიშნავს უვლის სიძრმეს, გამოხატავს უვლის შეოფობას, მაგ. სინას მთაზე მოსეს უფალი ნისლის სახით ეცხადება და 2. ნისლი გამოხატავს ცოდვათა და უსჯულოებათა სიმრავლეს, რომელსაც თან წყვდიადი ახლავს და მის განქარვებასა და დათოური ნათლის მოპოვებას ესწრაფვიან და ითხოვენ პიმ-

ნოგრაფები. დამოწმებულ საგალობელში ნისლი ცოდვათა სიმრავლის აღმნიშვნელია, რომელსაც უპირისპირდება ღვთიური ნათლით გაჯერებული წყალი.

წმ. ოიანე ღვთისმეტყველის მიერ გამოცხადებაში ხილული ბროლის მხგავსი მინის ზღვა ღვთის ტახტის წინ ნათლისძების საიდუმლოს მიმანიშნებელია: „იგი იმიტომაა მინის, რომ ნათლისძების სულის განმწმენდი სისუფთავე აქვს, ხოლო ბროლისა იმისათვის, რომ სიმტკიცეს აძლევს ადამიანის გულს“ (დიმიტრი როსტოველი, 1990: 16).

წყლის განმწმენდ ბუნებაზე საუბრობს პეტრე მოციქული: „ცანი იყვნეს პირველითგან და ქუეყანადწყალთაგან, და წყალთა მიერ შეიქმნა სიტყვთა ღმრთისათვა“ (2 პეტ. 3; 5). წყლიდან მიღებულ მადლზე პირნოგრაფიც აღნიშნავს: „წყალთა მიერ მადლი საღმრთონი მივსცნე კაცთა ნათესავსა“ (თუენი, 2004: 35).

შთამბეჭდავი მხატვრულობის გარდა საგალობელი საღვთო ისტორიისა და მისი არსის წარმოჩნითაცაა ნიშანდობლივი. გველის გესლი, რომლითაც პირველი ადამიანები დაიგესლნენ, იორდანის წყლით განიბანა; რაც შეეხება ეკალს, იგი ძველი აღთქმის წიგნებში ადამიანის დასჯის სიმბოლოა. საღვთო ისტორიიდან ცნობილია, რომ უფალმა სამოთხიდან გამოძევებულ ადამსა და ევას განუჩინა: „ეკალსა და კუროსთავსა ადმოგიცენებდეს შენ და სჭამდე თივასა ველისასა“ (შეს. 3, 18). ქეთევან ბეზარაშვილისა და ბერნარ კულის განმარტებით, ეკალს ორმაგი დატვირთვა აქვს, „ეს არის ერთი და იგივე სახე ორმაგი სიმბოლური დატვირთვით, რომელთა გარჩევაც კონტექსტზეა დამოკიდებული. ეკალი, როგორც რაღაც მიწიერი საგანი და შეურაცხი თავისთავად უარყოფითი შინაარსის მატარებელია საღვთო საგნებთან შედარებისას, მაგრამ იპოდიგმატურ-პარადიგმატურ კონტექსტში (თუ იგი განმწმენდილია საღვთოს მიერ და წარმოადგენს მარადიულის და უკვდავის პროტოტიპს, მაგ. ქრისტესი, ღვთისმშობლისა) იგი იღებს დადებით გაგებას“ (ბეზარაშვილი... 2000: 67).

წმიდა მამების განმარტებით, სადაც ადრე ყვავილი იყო, იქ ამოვიდა ეკალი, რათა ცოდვა ადამიანს მუდამქამ სსომებოდა; იმავდროულად კი ეკალი იყო სიმბოლო იმ სიძნელეებისა, რაც სულიერ წვრთნას ახლავს ხოლმე.

მთესვარის იგავში (მთ. 13, 7-22; მრკ. 4, 7-8; ლკ. 8, 7-14) ეკლები ალეგორიულად ამქვეწიურ საზრუნავს გამოხატავს. „მაქსიმე აღმსარებლის მიხედვით, ღვთისკენ მიმყვანებელი

სიყვარულის გზა პირველ ადამიანთა ცოდვით დაცემის შედეგად პატივმოყვარეობის ეკლებით დაიფარა, რომელიც უფალმა თავისი ვნებებით თავის თავში აღბეჭდა და მათი განწმენდა დაფარულად მიაჩიშნებს მაცხოვრის ვნების ხატზე ეკლის გვირგვინით, რომლითაც მან გამოისყიდა პირველცოდვა... ეკლის გვირგვინის მცენარის სახეობად ასახელებენ *spina christi*-ს ან *poterium spinosum*-ს (პატარა წითელყვავილებიან ეკლიან მცენარებს)“ (ბეზარაშვილი... 2000: 64-67).

ამიტომაცაა ხაზგასმული, რომ წყვევის ეკალიც აღმოიფხვრა და ამით ადამის მაცდუნებელი გველიც მოიშოო.

მაცხოვრის განკაცებითა და ხათლისდებით მხოლოდ ადამ და ევა არ გამოხსნილან ცოდვის ტყვეობიდან. „უწმინდესი დღე იორდანეში ქრისტეს ხათლისდებისა ესაა ახალი აღთქმის ხათლისდება მთელი კაცობრივი ბუნებისათვის და მისთვის გარდაუვლად გზის გაკაფვა ცათა სასუფევლისკენ, რადგან სწორედ ამ დღეს, ექვსი იანვრის უწმინდესი მდვრელმოქმედების ქამს, იორდანის ღმერთმყოფელი ემბაზის წიაღში მთელი კაცობრიობისათვის, პირველ რიგში კი სწორედ ძველი აღთქმის მართალთათვის, დასაბამდა ცხონების აღმოცისკრება“ (ჭელიძე, 2004: 65), იმ ხალხისათვის დასაბამდა, რომლებიც, ესაია წინასწარმეტყველის თქმით, ბნელში ისხდნენ. იოანე ხათლისმცემლის მამამ, წინასწარმეტყველმა ზაქარიამ, იოანეს შობისას იგალობა სიკვდილის აჩრდილში მყოფთა გამოხსნა: „მომხედნა ჩუქნ აღმოსავალმა მაღლით გამოჩინებად მათ ზედა, რომელნი სხენან ბნელსა შინა და აჩრდილთა სიკუდილისათა“ (ლკ. 1: 78-79). სიკვდილი სრულად ვერ ბატონობდა მართალთა სულებზე, რადგან უფლისმიერი აღთქმით მესია უნდა მოსულიყო მათ გამოსახსნელად, მაგრამ ბატონობდა სიკვდილის აჩრდილი და „ამას დღესა საუფლოსა დღესასწაულსა იხარებენ ცანი ცათანი ძალითურთ... რამეთუ დღეს დაიწსნა სიბნელე იგი პირველი შჯულისა აჩრდილისაა“ (მოდრეკილი, 1978: 146); უფრო ადრე სიკვდილის აჩრდილისაგან თავდასხნა დავით მეფესალმუნის წინასწარმეტყველებაში აისახა: „და გამოიყუანნა იგინი ბნელისაგან, და აჩრდილთა სიკუდილისაგან და საკრველნი მათნი განხეოთქნა“ (ფს. 106; 14). ამიტომაც აღნიშნავს მიქაელ მოდრეკილი, რომ პირველი შჯულის აჩრდილი განქარდა. სიკვდილის აჩრდილის განქარვებასა და მის წილ საღვთო ხათლის გამობრწყინვებაზე იოანე მტბევრის საგალობლებშიც არის საუბარი.

ნათლის გამობრწყინებასა და აჩრდილის განქარვებაზე საუბრობს წმ. ოთახი ოქროპირი ნათლისძების საკითხავში: „ჰემარიტად გამობრწყინდა ნათელი. რომელიც კიყვენით ბნელსა და აჩრდილთა სიკუდილისათა და რომელი-იგი ბეთლემს იშვა... ესე დღეს იორდანებდ მოვიდა და ნათელ-იდო იორდანესა იოვანე-საგან და განანათლნა ყოველი დაბადებული მისნი“ (იოანე ოქროპირი, 1999: 266). პინოგრაფთა სიტყვებით, ნათლისძების დღესასწაულით მთელს კაცობრიობას მოვფინა ნათელი: „ერი წარმართთად რომელიც სხდეს ბნელსა და განათლებული აქებენ დმერთსა კორცითა“ (მოდრეკილი, 1978: 159). შესაბამისად, დვოისაგან შექმნილ ყოველ ადამიანს მიემართება სიტყვები: „საბანელი ცოდვისათ მოსმარცუე გულთა ჩუენთა“ (მოდრეკილი, 1978: 151).

წმ. ბასილი დიდი თავის თხზულებაში „მჯეცთათუს სახისა სიტყუად“ საუბრობს სიკვდილის აჩრდილზე: „ძუელთა მათ მცნებათა აქენებდ შინაგანი ზრახვა, რომელი გამოაჩინებს გამოუჩინებელსა მგსნელსა ჩუენსა იესუ ქრისტესა, რამეთუ დაეფარა მგსნელი ჩუენი ცრუთა ებრაელთაგან და გამოგჩნდა ჩუენ, რომელი ვსხედით ოდესმე ბნელსა და აჩრდილთა სიკუდილისათა“ (ბასილი დიდი, 1979: 186).

ბნელში სხდომა და სიკვდილის აჩრდილში ყოვნა ფსალ-მუნიდან მომდინარე პარადიგმა. ასევე ჩანს ესაია წინასწარმეტყველთანაც, რომელსაც მათე მახარებელი იმოწმებს: „ერი, რომელი სხდა ბნელსა, იხილა ნათელი დიდი, და რომელი სხდეს სოფელსა და აჩრდილსა სიკუდილისათა, ნათელი აღმოუბრწყინდა მათ“ (მთ. 4, 16).

ნათლისძების საგალობლებში ფიგურირებს დაძველებული კაცის განახლებისა და ბერწი ეკლესის გამრავალშეიღლიანების თემა. ნათლისძებით „განვიძარცოთ ძუელი კაცი საქმითურთ და შევიმოსოთ ნათელი საღვთოო“ (მოდრეკილი, 1978: 145). ძველი კაცის განმარცვის პარადიგმა პავლე მოციქულს ეკუთვნის. ეფესელთა მიმართ ეპისტოლები იგი წერს: „განიშორეთ ოქუენგან პირველისა მისებრ სლვისა თქუენისა ძუელი იგი კაცი, განხერწნილი გულის თქუმისა მისებრ საცდურისა და განახლდებოდეთ თქუენ სულითა მით გონებისა თქუენისათა და შეიმოსეთ ახალი იგი კაცი, ღმრთისა მიერ დაბადებული სიმართლითა და სიწმიდითა ჰემარიტებისათა“ (ეფ. 4, 22-24). პავლე მოციქული გვიხსნის, რომ ნათლისძების დროს ქრისტიანი სიმბოლურად მონაწილეობს ქრისტეს სიკვდილში და მასთან ერთად აღდგება

განახლებული ცხოვრებისათვის. ნათლისდება კი მოასწავებს წარსულთან ყოველგვარი კავშირის გაწყვეტას, ცოდვებისაგან განშორებას და ახალი ცხოვრების დაწყებას, რომელსაც ქრისტე გვანიჭებს (რომ. 6, 3-14), რაღგანაც ქრისტემ იორდანეში ნათლისდებით განაახლა კაცთა დაძველებული ბუნება. წმ. ბასილი დიდი თხეულებაში „მჩეცთათვს სახისა სიტყუაო“, როდესაც ორბის წყაროში სამჯერ განპანის შედეგად განახლების სახისმეტყველებაზე საუბრობს, პარალელს ავლებს ნათლისდების შედეგად ძველი სამოსლისაგან (სულიერი თვალსაზრისით) განპარცვაზე: „თუ შენცა გაქუნდეს სამოსელი ძუელისა კაცისად და მოგაკლედეს თუალთა, იძიე საგონებელი წყარო, მცნებად დმრთისა ცხოველისად, რომელმან-იგი თქუა: „მე დამიტევეს წყარო წყლისა ცხოველისა“ და აღფრინდე სიმაღლესა მზისთვალისასა, მართლისა მის იესუ ქრისტესა, და მან დაგიწუას ძუელი იგი სამოსელი, რომელი შეიმოსე ეშმაკისაგან... და ნათელ-იღო შენ სამჯერ მყოვარ წყაროსაგან სახელითა მამისათვა და ძისათვა და სულისა წმიდისათვა. და განიძარცო ძუელი იგი კაცი საქმითურთ მისით და შეიმოსო ახალი, რომელ ღმერთი დამყარებულ არს, ვინავცა დავითმან თქუა: „განახლდეს, ვითარცა ორბისა, სიჭაბუგშ შენი“ (ბასილი დიდი, 1979: 179). დაძველებულ რჯულს დანიელის წინასწარმეტყველებაშიც ვხვდებით: „დაძუელებული ბოროტთა დღეთაო, აწ გეწინეს ცოდვისა ბუნი, რომელთა ჰყოფდი პირველად“ (დან. 13; 52). ადამიანთა განახლებას განმარტავს, ასევე, წმ. იოანე ოქროპირი: „აწ მოსლვითა უფლისათვა დაიგვნა და უჩინო იქმნა ძალი ცოდვისად და დაინთქა წყალთა მათ შინა იორდანისათა, სადა-იგი დაკფლა უფალმან დაძუელებული იგი კაცი და აღმოიყვანა ბუნებად ჩუენი მიერ განთავისუფლებული“ (იოანე ოქროპირი, 1996: 199). ახალი კაცით შემოსვის მნიშვნელობას განმარტავს წმ. გრიგოლ ნოსელი: „განიძარცუეთ კაცი იგი ძუელი და შეიმოსეთ კაცი იგი ახალი, განახლებული მსგავსებითა დამბადებულისა თჯისათვა“ (ნოსელი, 1964: 230). წმ. მამა გრიგოლ ნოსელი ადამიანის თეოზისზე საუბრობს, როდესაც ქრისტეს განკაცებითა და ნათლისდებით ადამიანს სულიერი განახლების, ანუ ახალი კაცის შემოსვის საშუალება მიეცა.

იორდანეში უფლის ნათლისდებით ბერწი ეკლესიაც ხარობს. სიბერწეში გულისხმობენ სულიერ უნაყოფობას, ანუ, დახშუ-

ლიდა სახუფევლის ბჭენი და რჯული, ეკლესია გერ იძლევა ადა-
მიანის დგაწლის ნაყოფს. ამ სიმბოლოს შესახებ ჩვენ შობის
საგალობელთა მიმოხილვისას ვისაუბრეთ. შობა და ნათლის-
ლება – ამ ორმა დღესასწაულმა ნაყოფიერ ქმნა ბერწი ეკლესია:
„იხარებდ ბერწ ეგე, რომელი არა შობდი, რამეთუ აწ ესერა
შვილმრავალ იქმნი მეორედ შობითა“ (მოდრეკილი, 1978: 151).
ბერწი ეკლესის ნაყოფიერებაზე ისაია წინასწარმეტყველებს:
„იხარებდ, ბერწი არმშობელი“ (ის. 54, 1). პიმნოგრაფთა ქურად-
ლების მიღმა არც ის ფაქტი დარჩენილა, რომ ებრაელებმა ვერ
იცნეს განკაცებული დმერთი, რომელიც წარმართებმა აღიარეს
და ცნეს, ამიტომაც წარმართთა ოდესმე უნაყოფო და ბერწი
ეკლესია დღეს წმიდა სძალი, შვილმრავალი, განმშვენებული და
მოქადული გახდა.

საინტერესოა მიქაელ მოდრეკილის საგალობლის სახ-
ისმეტყველებითი ასპექტი: „დღისა უწყებად დღისათვს და
მითხოობად ღამისათვს, მეცნიერად ყოვილი პირველად დღეს
კუალად განახლდა იორდანეს ქრისტეს ნათლისდებასა“ (მო-
დრეკილი, 1978: 148). მისი წეარო ფსალმუნური მოტივია: „დღე
დღესა აუწყებს სიტყვასა და ღამე ღამესა მიუთხოობს
მეცნიერებასა“ (ფს. 18, 2).

ნათლისდების საგალობლებში ძველი აღთქმის თითქმის
შველა მამამთავრის/ წინასწარმეტყველის სახეა სიმბოლურად
გააზრებული. მაგალისთისთვის მოვიყვანო ისუ ნავეს ძის მიერ
შჯულის კიდობით იორდანის გადალახვის პასაჟს, რომელიც
ნათლისდების წინასახედაა მიხნეული. როდესაც მღვდლებმა
შჯულის კიდობანი აიღეს და იორდანეს მიაღგნენ, ღვთის ნებით
ადიდებული მდინარე დადგა, შუა გაიპო და „დღეს მღვდლინი
იგი, რომელთა აქუნდა კიდობანი იგი შჯულისა უფლისა
გმელსა ზედა შორის იორდანეს. და ყოველნი ძენი ისრაცლისანი
წიაღვიდოდეს გმელსა“ (ისო ნავესი, 3, 17). ოდნავ დაუსველდათ
უეხები მღვდლებსო, – გვამცხობს სადმრთო ისტორია, რო-
მელსაც პოეტურად წარმოსახავს იოანე მტბევარი და მღვდელ-
მოქმედების პარალელიზმით აკავშირებს ნათლისდებისათვის
მოსულ მაცხოვართან: „რამეთუ პირველთა მათ მღვდელთა მიერ:
დაულტოლველად; განკვდა კიდობანი იგი შჯულისა, ხოლო აქა
დღეს გამოჩნდი ჭეშმარიტი მღვდელთ მოძღუარი“ (მოდრეკილი,
1978: 139). უფალმა მათ 12 ქვის აღება უბრძანა იორდანის იმ
სიღრმიდან, სადაც მღვდლებმა კიდობანი გაატარეს, რათა
მარადუამ ხსომებოდათ, თუ როგორ „დასწყდა იორდანე მდინარე

პირისაგან კიდობნისა შჯულისა უფლისა ქუეყანისასა, რაუამს წიაღვიძოდა მას“ (ისო ნავესი, 4, 7). ამაზე დავით მეფესალმუნეც მიანიშნებს: „და შენ იორდანე, რამეთუ უკუნ-იქც მართლ-უკუნ“ (ფს. 113, 5). განკაცებული უფლის ხილვისასაც მართლ-უკუნ-იქცა იორდანე და ამიტომაც აკავშირებს ამ ორ მოვლენას ერთ-მანეთიან ჰიმნოგრაფი: „იყო იორდანე: ოდესმე შემწყნარებელ კიდობანსა: შჯულსა ლვოსასა: ხოლო ას შეიწყნარა შჯულის მომცემელი უფალი“ (მოდრეკილი, 1978: 203).

ძველი აღთქმიდან მომდინარეობს, ასევე, მყარად დამკვიდრებული მეტაფორა – სიმეწამულე ცოდვათა. ჰიმნოგრაფები უგალობენ მაცხოვარს, რომელმაც იორდანეში ნათლისდებით „სიმეწამულე ცოდვათა ჩუენთა“ განაქარვა და თოვლზე მეტად განასკეტაკა „სიმეწამულე ბრალთა ჩუენთა“ (მოდრეკილი, 1978: 159). მეწამული უერი სისხლის კონტაციას შეიცავს. როდესაც უგვიატიდან გამოსული ებრაელები უდაბნოში მოგზაურობდნენ, დმერთმა მათ კანონები დაუდო, რომელთაგან ერთ-ერთი იყო ის, რომ არაწმინდად ითვლებოდა, ვინც მიცვალებულს მიეკარებოდა ან შევიდოდა კარავში, სადაც მიცვალებული იყო. სამდვდელო ხარისხზე აჯანყებული კორე ლევიტელი, დათან და აბირონი და მათთან ერთად მრავალი ებრაელი მოსრა უფალმა. დახოცილთა დამარხვის შემდეგ ბევრი ებრაელი არაწმინდა გახდა, რის გამოც უფალმა მათ ახალი კანონი მისცა – წითელი დიაკეული შეეწირათ მსხვერპლად. დიაკეული უზადო და უნაკლო უნდა ყოფილიყო, რადგანაც ეს წითელი დიაკეული ტვირთულობდა მთელი ერის ცოდვას. ის დაკლეს ბანაქს გარეთ, ხოლო სისხლი მდვდლებმა შვიდგზის მოაპკურეს კარვის კარის წინ. სისხლის სხურების შემდეგ მსხვერპლს წვავდნენ მთლიანად – ტყავიანად, შიგნეულიანად. დაწვის დროს ატანდნენ ნაძვის ხის ნაჭერს, უსუპს და მატყლს. წმ. მამების განმარტებით, ნაძვის ხე იქსოს ჯვარს მოასწავებდა, მეწამული ფერი – იქსოს სისხლს, უსუპი – ქრისტეს მადლის განმაცხოველებელსა და განმწმენდელ ძალას. ბანაქის გარეთ დიაკეულის დაკლა კი მოასწავებდა იქსოს ჯვარცმას იერუსალიმის გარეთ, რაც ჰიმნოგრაფიაშიც აისახა: „სიონო, შეიმოსე დღეს ნაცვლად უსუპისა მის და მატყლისა მეწამულისა: სამოსელი ბრწყინვალც სულისაგან განახლებული“ (მოდრეკილი, 1978: 174). დიდი შაბათის ცისკრის საგალობელში, „ნებარ არიანი“-ს გალობანში, ჯვარცმული მაცხოვარი ამ დიაკეულადა

სახელდებული: „დიაკეული იგი ზუარაკისა ძელსა ზედა დამოკიდებულად მხედველი დაღადებდა“.

ძველი აღთქმიდან მომდინარეობს მაცხოვრისადმი მიმართული მეტაფორა „ლეპპ ლომისა“, რომელსაც ნათლისდების საგალობლებშიც ვხვდებით: „ლეკუ ლომისად იწოდე დვთისა სიტყუაო მხოლოდ შობილო“ (მოდრეკილი, 1978: 157). ამ მეტაფორის წყარო შექმნათა წიგნია, როდესაც იაკობა აკურთხა 12 ვაჟიშვილი 12 ტომის მამამთავრად და იუდას უწოდა „ლეკუ ლომისა“. სწორედ იუდას ტომიდან გამოვიდა იქო ქრისტე.

ნათლისდების საგალობლებში უხვად გვხვდება მაცხოვრის სხვა ეპითეტებიც, იგი წარმოდგენილია მდინარედ, რომელიც მწყურვალს წყურვილს უკლავს და უხრწელების მადლით მოსავს; ის არის „უფალი უფლებათაო, მთავარი ზეცისა მთავრობათაო“, რომელიც მოვიდა წარწყმედულთა საცხოვნებლად - ლმერთი, რომელიც საუკუნეთა მფლობელი და ყოველთა დამბადებელია.

უფალი არის არსებით უცვალებელი, უხილავი და უხილავ დალთა შემოქმედი, ძლიერი, ხელმწიფე და განმგებელი ყოველთა, ნათელი ჭეშმარიტი, მიუახლებელი საღმრთო ცეცხლი, ქველმოქმედი, მზე სიმართლისა, უპირატეს მზისა შობილი სადგოთ ნათლით განანათლებს კაცობრიობას; გარეშეუწერელი, უხორცო ღმერთი იორდანის წყალს შეიმოსს, თვალთშეუდგამ ნათელში მყოფი, ცათა ღრუბლებით შემმოსელი, დაუბადებელი და დაბადებულთა დამბადებელი, რომელმაც არარაისაგან წამისუოფით შექმნა ყოველივე; უდიდეს საიდუმლოს უწოდებს პიმნოგრაფი ნათლისდებას, როდესაც საღვთო ნათელი სიმდაბლით მოსიდი მოდის იორდანეში ნათლისდებისათვის.

მაცხოვრის ზოგად ეპითეტებშიც ვხვდებით სამების ერთიანობის ღოგმატის ქადაგებას – განდიდებულია გამოუკვლეველი, თვალთშეუდგამი ბრწყინვალება სამებისა. იორდანეში მოსული ღმერთი არის „თანასწორი და თანაარსი, თანაგანმგებელი, თანამფლობელი, თანადაუსაბამო, თანამთავარი და თანამეუფე, თანადამბადებელი მამისა და სულისად, არსებად მხოლოდ უხილავი უცვალებელი უქცეველად შეეზავა შეუწემედად არსებისა მიწისაგანსა“ (მოდრეკილი, 1978: 205) – საგალობელში სამების განუყოფლობის ღოგმატია სრულად გადმოცემული, თანაც, ალიტერაციის მეშვეობით და საოცარი მხატვრულობით. ყურადღება ექცევა უფლის მყოფის უჟამობას,

რომელიც დროში იშვა ხორცით. დროისა და სივრცის თემატიკა ჰიმნოგრაფიის ერთ-ერთი უმთავრესი ნიშანია.

ნათლისდების დღესასწაულისადმი მიძღვნილი საგალობლები გამოირჩევა სახისმეტყველებითი აზროვნებით, სიმბოლოთა სიხშირით, რადგან უფლის ნათლისდება უდიდესი საიდუმლოა. ამიტომაც მოგვიწოდებს ჰიმნოგრაფი, სახარებისეულ ბრძენ ქალწულთა მსგავსად ლამპრებით, ანუ მღვიძარენი, შევეგებოთ იორდანეში მოსულ მაცხოვარს, რათა მასთან ერთად განვიძანოთ და „თანანერგ ვექმნეთ ნათლისდებასა მისსა“ (მოდრეკილი, 1978: 194), თანაზიარნი გავხდეთ მოვლენისა, რომელიც იმოდენა სასწაული და მოწყალებაა, რომ იორდანისკენ მიმავალი დმერთის ხილვისას მთელი სამყარო გაირინდა და „დუმან მდინარენი: და ოხრიან აერნი; დრუბელნი სამყაროთანი: აცურევენ ცუარსა საღმრთოსა: შეიოქუნეს მეტყუელი და უტყჲ: იოვანე და იორდანე: და შიშით განბანენეს ჭორცნი მჯსნელისანი“ (მოდრეკილი, 1978: 183).

შედეგები და დასკვნები.

ნათლისდების დღესასწაულისადმი მიძღვნილი საგალობლები, სახისმეტყველებითი აზროვნებითა და ტროპული მეტყველებით ისეთივე მრავალფეროვანია, როგორც ჩვეულებრივ ჰიმნოგრაფიული ტექსტები. თუმცა, უმთავრესი, რითაც ნათლისდების საგალობლები გამოირჩევა, არის ის ვაქტი, რომ მათში ჰიმნოგრაფები ნათლისდებისა და განცხადების დღესასწაულს განკუნებულად არ განადიდებენ, არამედ მასთან ერთად წარმოაჩენენ იოანე ნათლისმცემლის სახეს. ასევე, გამოკვეთილად ჩანს, რომ ნათლისდების საგალობლებში ყველაზე მეტად ფიგურირებს ნათლის სიმბოლიკა. საგალობლებითა საღვთისმეტყველო წყაროს, უპირველესად, ბიბლიური ისტორია წარმოადგენს, რომელიც მხატვრულ სახე-სიმბოლოდ ტრანსფორმირდება საგალობლებში და მას სახისმეტყველებრივ უუნქციასთან ერთად ესთეტიურ სილამაზეს ანიჭებს.

გამოყენებული ლიტერატურა:

ბასილი დიდი 1979: წ. ბასილი დიდი, მგეცთათგს სახისა სიტყუად წიგნთაგან თქმული წმიდისა ბასილი ებისკოპოსისა კესარიელისად, შატბერდის კრებული X საუკუნისა, გამოსაცემად მოამზადეს ბ. გიგინეიშვილმა და კ. გიუნაშვილმა, თბ., 1979.

ბეზარაშვილი... 2000: ბეზარაშვილი ქ., ბერნარ კული, „მაყვლოვანის“ გაგებისათვის ძველ ქართულ მწერლობაში, ლიტერატურული ძიებანი, XXI, თბ., 2000.

გიორგი ათონელი 1946: გიორგი ათონელი, გალობანი დამის-თვევად ნათლისძებისა, ძველი ქართული ლიტერატურის ქრეს-ტომათია, I, შედგენილი სოლ. ყუბანეიშვილის მიერ, თბ., 1946.

გრიგოლ ლეონიშვილებული: წმ. გრიგოლ ლეონიშვილებული, თქუმული წმიდისა და ნეტარისა მამისა ჩუენისა გრიგოლ ლმრთისმეტყუელისა ნათლისძებისათვს, რომელი იკითხვის ხვალისა დღე განცხადებისა; A-394, 57r-73v.

ეპისტოლე... 1989: ეპისტოლე დიოგნეტესადმი, ძველი ბერძნულიდან თარგმნა, წინათქმა და კომენტარი დაურთო ე. ჭელიძემ, ქურნ. ჯვარი ვაზისა, 1988, №4.

თეოფილაქტე ბულგარელი 2000: ნეტარი თეოფილაქტე ბულ-გარელი, ახალი აღთქმის კომენტარები, განმარტება წმიდა მათეს სახარებისა, ბერძნულიდან თარგმნა გვანცა კოპლატაძემ, თბ., 2000.

თუენი 2004: გიორგი ათონელისეული თუენი, იანვარი, ბოდ-ბის წმ. ნინოს დედათა მონასტერი, 2004.

იმედაშვილი 1958: იმედაშვილი გ. ქართული კლასიკური საგალობლის პოეტური მეტყველების ზოგი საკითხი, საიუბი-ლეო კრებული აპად. კ. კეკელიძის დაბადების 80 წლისთავის აღსანიშნავად, თბ., 1959.

იოანე ოქროპირი 1996: იოანე ოქროპირი, თარგმანებად მათეს სახარებისა , I-II-III, თბ., 1996.

იოანე ოქროპირი 1999: იოანე ოქროპირი, ნათლისძებისათვს, ათონის მრავალთავი, თბ., 1999.

იპოლიტე რომაელი 1979: განმარტებად კურთხევათა მათთვს მოსესთა ათორმეტთა მიმართ ნათესავთა; წმიდისა იპოლიტისა თქუმული კურთხევათა მათთვს იაკობისთა, ვითარ-იგი ათორმეტნი ნახევრნი აკურთხნა; სიტყუად წმიდისა იპოლიტისი სარწმუნოებისათვს; თქუმული წმიდისა და ნეტარისა მამისა ჩუენისა იპოლიტესი სახს აღთქუმისა. შატბერდის კრებული X საუკუნისა, თბ. 1979.

კირილე იერუსალიმელი 1991: საკითხავი სულისა წმიდისა, თქუმული წმიდისა კურილე მთავარეპისკოპოსისა იერუსა-ლიმისა, კლარჯული მრავალთავი, თბ., 1991.

კრიტელი 2002: ანდრია კრიტელი, დიდი განონი; ნეკრესის ეპარქია; 2002.

მოდრეკილი 1978: მიქაელ მოდრეკილი, პიმნები, I. ტექსტი გადმოწერა დედნიდან და გამოსცა ვაჟა გვახარიამ, თბ. 1978.

ნოსელი 1964: წმ. გრიგოლ ნოსელი, ოქუმული წმიდისა და ნეტარისა მამისა ჩუენისა გრიგოლი ნოსელ ებისკოპოსისად კაცისა შესაქმისათვეს, რომელი მიუწერა მმასა თვესსა პეტრეს ებისკოპოსისა სებასტიელსა; უძველესი რედაქციები ბასილი კესარიელის „ექუსთა დღეთავსა“ და გრიგოლ ნოსელის თარგ-მანებისა „კაცისა აგებულებისათვეს“, X-XIII სს. ხელნაწერების მიხედვით გამოსცა, გამოკვლევა და ლექსიკონი დაურთო ილია აბულაძემ, თბ., 1964.

ნოსელი 1989: წმ. გრიგოლ ნოსელი, „პასუხი ექუსთა მათ დღეთათვეს“, ტექსტი გამოსაცემად მოამზადა, კომენტარები და ლექსიკონი დაურთო ე. ჭელიძემ, საქართველოს ეკლესიის კალენდარი, თბ., 1989.

სოფრონ იერუსალიმელი: წმ. სოფრონ იერუსალიმელი, თქუმული წმიდისა მამისა ჩუენისა სოფრონ იერუსალმელ პატრიარქისა ნათლისდებისათვეს მაცხოვრისა და ზედა აღდგომისათვეს სარკინოზთა; A-394, 295r-302v.

სულავა 2003: სულავა 6. XII-XIII საუკუნეების ქართული პიმნოგრაფია, თბ., 2003.

სულავა 2004: სულავა 6. გამოქვაბულისა და უდაბნოს მხატვრული ფუნქცია „ვეფხისტყაოსანში“, ლიტერატურული ძიებანი, XXV, თბ., 2004.

ორიგენე 1989: ორიგენე, ქადაგებები ქებათა ქებათაზე, ფრანგულიდან თარგმნა თამარ ჯაყელმა, ქურნ. ჯვარი ვაზისა, 1989, №3-4.

უძველესი... 1980: უძველესი იადგარი, გამოსაცემად მოამზადეს, გამოკვლევა და სამიებლები დაურთეს ელენე მეტრეველმა, ცაცა ჭანკიევმა და ლილი ხევსურიანმა. გამომცემლობა: მეცნიერება, 1980.

ქერქაძე 1997: ქერქაძე მ. ნათლის ესთეტიკის ზოგიერთი საკითხი ქართულ პიმნოგრაფიაში, მაცნე, ფილოსოფიის სერია, 1997, №1.

ჭელიძე 2004: ჭელიძე ე. ცხონების აღმოცისკრება, თბ., 2004. ხეც-ის ფონდი – A-93 – პარაკლიტონი, 1093 წ.